

Annerpaamik 0,2 procentimik THC-mik akulinnik cannabisimik nioqutissiat (tassani cannabisolia aamma eqqarsaatigalugu) inerteqqutaajunnaarsinnissaannik Naalakkersuisut suliniuteqaqqullugit Inatsisartut aalajangiiffigisassaattut siunnersuut.

aamma

Danskit misileraanerattut ittumik nakorsat ataasiakkaat immikkut akuersissummik piniaqqaaratik nakorsaatitut akuerisaanngitsumik cannabisimik nakorsaasiillutik nakorsaanissamik periarfissaqarlersillugit misileraanermik aallartitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.

pillugit

Ilaqtariinnermut Peqqissutsimullu Ataatsimiititaliap

siunnersuutip aappassaaneerneqarneranut

ISUMALIUTISSIISSUTAA

Ataatsimiititaliap suliarinninnermini makku ilaasortarai:

Inatsisartunut ilaasortaq Mala Høy Kúko, Siumut, siulittaasoq
Inatsisartunut ilaasortaq Stine Egede, Inuit Ataqatigiit, siulittaasup tullia
Inatsisartunut ilaasortaq Karl Kristian-Kruse, Siumut
Inatsisartunut ilaasortaq Malene Vahl Rasmussen, Demokraatit
Inatsisartunut ilaasortaq Anna Wangenheim, Demokraatit
Inatsisartunut ilaasortaq Aqqa Samuelsen, Inuit Ataqatigiit
Inatsisartunut ilaasortaq Mikivsuk Thomassen, Inuit Ataqatigiit

UKA2019-mi ulloq 8. oktober 2019-imi siullermeerinerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Siunnersuutini taakkunani marlunni pingaarnertut nakorsaaitut cannabissi, nakorsaaitut immikkut akuerisaanngitsoq, nakorsanit immikkut akuerineqaaqqaanngikkaluarlutik innersuussinissamut aammalu innuttaasut cannabissimit tunisassianik annerpaamik 0,2% THC-mik akulinnik unioqutitsinngikkaluarlutik pisisinnaalernissaat tunngavissiiinissaq siunertarineqarpoq.

Immikkoortoq 128 naapertorlugu Cannabisinit tunisassiat (cannabis uulia ilanngullugu) annerpaamik 0,2%-imik THC-mik akullit inerteqqutigineqarunnaarnissaasa sulissutigineqarnissaanut Naalackersuisut peqquneqarput. Matumani ilanngullugu aanngajaarniutit pillugit inatsit nutarterneqassaaq aammalu aanngajaarniutit pillugit Inatsisartut inatsisaat tassungalu atasoq nalunaarut suliarineqassalluni.

Immikkoortoq 134 naapertorlugu cannabis nakorsaaitut akuerineqanngikkaluartoq nakorsat ataasiakkaat nakorsaasiisarnissaat siunertaralugu danskit misileraanerattut ittumik misiliutaasumik aqqissuussinermik atuutilersitsinissamik Naalackersuisut peqquneqarput. Imatullu isumaqarluni, nakorsaait tunisassiat allatut nakorsaaitut peqqissaarullugu misilerarneqarsimannngitsut, sunniutigisartagai sunniutipilugisartagaallu nakorsanit ilisimaneqanngitsut tunniunneqartalissasut.

Tamatuma peqatigisaanik immikkoortoq 59 Inuussutissarsiornermut Aatsitassanullu Ataatsimiititaliami suliarineqarpoq, matumani THC (tetrahydrocannabinol)-imik annerpaamik 0,2%-imik akulimmik pisisinnaanerup inerteqqutaajunnaarsinneqarnissaanik, tuniniaasoqarsinnaalernissaanik aammalu cannabis uuliamik (cannabidiol)-imik akulimmik eqqussisoqarsinnaalernissaanik inatsisitigut aqqutissiusseqqullugit Naalackersuisut peqquneqarlutik. Ulloq 23. oktober Inuussutissarsiornermut Aatsitassanullu Ataatsimiititaliaq isumaliutissiissusiorpoq siunnersuutillu akuerineqarnissaa inassutigalugu.

2. Siunnersuutip Inatsisartuni siullermeerneqarnera

Immikkoortut 59, 128 aamma 134 ataatsimoortillugit suliarineqarput, siullermeerneqarneranilu partiinit tamanit naalackersuinikkut tapersorsorluarneqarluni. Cannabis uuliap inerteqqutaajunnaarsinneqarnissaanik siunertaqartumik suliniutinik aallartitsisoqareersoq Naalackersuisut akissuteqaataanni allassimavoq, taamaattumillu immikkoortut akuerineqarnissaat Naalackersuisunit inassutigineqarluni. Tamatuma saniatigut Danskit misiliutaasumik aqqissuussinerannut ilanngunnissamut Naalackersuisunit periarfissanik maannakkut misissuineramik aallartitsisimasut akissuteqaammi allassimavoq. Misiliutaasumik aqqissuussineq Danmarkimi ingerlasimavoq januarip aallaqqaataaniit 2018-imiit 2021-imi decemberip 31.-iata tungaanut ingerlasussaalluni.

3. Ataatsimiititaliap inassuteqaatai

Ataatsimiititaliap innuttaasut aanngajaarniutunik pissarsisinnaanerat ataatsimut isigalugu tunuarsimaarfigineqassasoq Naalakkersuisut oqariartuutaat ataatsimiititaliap isumaqatigaa, immikkoortullu taakku marluk akuerinerisigut innuttaasut pissarsisinnaanerat annertuseriassasoq killigitinneqartorli cannabis uuliamik annerpaamik 0,2%-imik THC-talimmik.

Danskit cannabissip nakorsaatitut atorneqarnissaa pillugu misiligutitut aqqissuussinerannut nunatta ilanngunneqarnissaa pillugu Naalakkersuisut misissuinerannik Ataatsimiititaliaq ilisimatinneqarnissaminik piumasaqarpoq.

Tamanna tunngavigalugu siunnersuutigineqartut akuerineqassasut ataatsimiititaliap isumaqatigiittup inassutigaa.


Taama oqaaseqarluni siunnersuut ataatsimiititaliap aappassaaniigassanngortippaa.



Mala Høy Kúko
Siulittaasoq
Siumut




Stine Egede
Inuit Ataqtigiit




Malene Vahl Rasmussen
Demokraatit




Aqqa Samuelson
Inuit Ataqtigiit



Karl Kristian-Kruse
Siumut



Anna Wangenheim
Demokraatit



Mikivisuk Thomassen
Inuit Ataqtigiit